



李叔則曰別有所傷其旨深矣

祈雨 癸巳

雲漢興歌又亢暘鳴金擊鼓叩天閭大聲 帝座

真為徹小旻龍宮幾欲揚喜亂健兒傳快馬 鳳泗帶

响馬放青監子牧無羊天心似是弃南土六事責來

不見量

李叔則曰因雨愁盜故是憂時巨作

大司空習魯斬老師 諱于中尉氏人予其門生故吏也

海內文樞推尉氏三齊校士拔英奇九方相馬神



超滅八座司空表羽儀國士已蒙園棘待場病星  
辰猶聽履聲馳中州覆沒音塵邈望斷嵩高有所  
思

李叔則曰清深平遠兼有其長

鄉座師甘肅巡撫梅

先生巡撫甘肅不奉

旨便入援卒以此掛冠後來流寇入都天下  
無勤王者

御札與總漕史某有急救皇命之語竟置之

充耳可嘆也

山川相繆鬱蒼蒼夫子風流在雪堂青瑣直聲猶  
震主黃河義問自勤王周筵無復勞行役漢法更  
看鐫吏章國是已非失遠畧御書倉卒惜吾皇

李叔則曰太史公為文往往寄他傳中見意此  
詩中神髓也

鄉座師貴州總督楊

肯木西奢首變起上命河南王三善往撫以  
先生總督其事督撫不和撫剽異意廟堂分  
左右袒破大方後撫臣竟欲郡縣其地善後



無策卒以身殞當事者尤先生不肯教授以此受累

李叔則曰一篇小傳

黔負蠢爾干天威節制遙看節鉞輝萬里杜猶牽  
獨斷三軍克敵陷重圍大方郡縣誠非策小醜陸  
梁坐失機為國幽憂甘受過誰教方叔初心違

李叔則曰史筆貴直此以唱為讚者也非深知已不肯為此語

### 大座師葉相國

相國勛猷萬曆中色聲不大明良逢真人鶴馭遷

躔舉元老龍游宴宴充四海梯航來萬國八荒瞻  
仰拜雄風從來宰相承宸眷感激恩私天外隆

李叔則曰止言遭逢之盛不言德業而德業在其中矣

### 大座師方相國

先生繼葉先生之後獨相亦七年泰昌紅鉛  
之說起幾陷不測亦昧於知幾矣

福清去後屬阿翁叔出季處頗相同事到百年終  
有變人經累代適當窮亨屯須要救時手幹蠹還  
從籲俊通富貴不來大運去可憐及門亦彎弓



李叔則曰領聯鑒時立論平恕  
未句更有感慨

### 會房師司經局洗馬王公

太史世家今再賡龍門甫謁皇華行場事竣師便出差司

經入夜吹藜照洗馬爭看尊駕榮講席蹙虛馳故

里錦江常傍絕塵纓君恩子舍多牽率望斷南平

不勝情時老師尚未有嗣

李叔則曰志其爵里而知己之感已多

### 馬選部澹然先生舊沂父母諱之圃商城人

天官署選我初榮桃李門墻謁選行沂上春光懷

絳帳南宮風月撤籬荆一身竭蹶惟圖報再世箕

裘顯令名公子詞林天道乘除應有筭如今轉眼俱分

明

李叔則曰餘慶昭然歸于天道

### 鄉房師少司馬耿

余卷脫出兩主考以送先生先生鞅鞅不受

曰非其親子也諸人勸之方納一時師席頗

多同年有三父八母之嘲

司馬離羣悲逝波棘園分士恨無多何桃何李人



爭植他父他母自不那節鉞巖疆胡去塞金吾世  
蔭寇來魔只今天地劫灰盡遠道未知終若何

李叔則曰事奇而文能鏤肖

紀實  
結句悠遠

胡光六別墅 大同巡撫

平泉舊址傍南阿

李衛公舊址

開府新除長薜蘿附郭

背山竹木茂臨河鑿沼亭臺多槐流暗向圃中出  
嶽氣還從天外竅雄鎮未臨身已殞秋風冉冉白  
雲過

李叔則曰愛其物所以存其人言外忠厚

沈總漕捷淮西二首

膠萊海逆震淮中上將伐謀仗我公形勢九天神

鬼秘縱擒十月永靈通

賊以九月反膠州十月永城就縛

崑強到

底幹何事元老還須歌大風 天子酬庸麟閣待

爭看海上日邊紅

其二

鐵甲凋戈豫境逢燕南楚北三軍雄廉張開宋勛  
稱最李郭安唐業比隆不以賊遺憂廟社肯令隣



壑漫西東於今司馬論功日台諫交章達聖聰

李叔則曰它人賦千萬言不如以此作之簡

壽少司馬李梅公元配羅安人六十初度為長

兄某

人間三月桃花開天上瑤池酒一杯大藥無須白

髮駐朱顏常伴青雲才山河疊沐還名閱

錫命重頒到上台甲子週來稱並壽錦堂春晝看

崔嵬

其二

司馬夫人令江鄉長公膝下進霞觴十年戈甲甘

窮約一代龍門共久長母道以慈能永世子心愛

日便垂芳通家喜有綵衣在為祝南山詩一章

李叔則曰語必射的思不虛結前首伴字以作共字立言有體

答蕭太守五雲咏雪用原韻

寓揚數載苦冬乾此日使君大雪漫千古瓊花空

后土一時明月盡憑欄豐年應卜廣陵瑞剪綵何

須隋苑看太守風流傳往事宜民新政不思寒

李叔則曰五六貼合全於末句相生



聞叔則遊蘓州

聞君意欲下蘓州正好春光在虎丘  
霸時東南稱與宇樂觀上國羨風流  
浮沉笑我阻衣帶瀟灑如君泛水鷗  
此去婁東元羨里長歌可向宗生遊

李叔則曰頭聯身分厚重不是尋常風雲月露之句

壽范壘卿太蒙八十初度

先生高節與焦同早歲功名歷落中  
呼吸河山原國士後先憂樂自家風  
五朝竚竟清通望兩代時遭萋菲攻  
飲酒賦詩林下足桃花日日海天紅

李叔則曰壽詩最難新脫如此切寔全無格套豈非精詣

端午

霧縠湘紋夏日過况當夏五暑來多  
熱中節序分頭逼此外人情合眼磨玄  
鳥啓商吞簡狄清風刈麥景員河無邊  
結實鍾祥會蒲酒金壘一浩歌

其二

風俗自古傳荆楚每到此節景物新  
艾葉插頭無老穉蒲根泛玉有原因  
千秋愛國吟騷苦異代傷心吊賦辛  
今日風流思往事低徊江上倍愴神



李叔則曰用屈原事妙在不露痕迹

寄太虛聞公在湖上住居秦樓據山水之勝有家焉之意

十里藕堤湖上遊薰風日日藕花洲豈同入蜀草堂隘不異趨吳采石悠歷世風雲成白首隔橋煙雨自對丘宋家陵殿臨安裏零落還須一訪求

李叔則曰結意遠宕

### 壽太虛七十

天目飛來壯耄年頌稱難老人爭傳沙堤擬築辭燕後青史遙聞入洛前公先朝建遷都之議已載史書海上丹砂

九日月客邊詞賦揭雲天王家保义須平格夢卜

### 還應惟汝賢

李叔則曰用事穩貼九字揭字鑄語煉響深於此道

### 又訊

聞道西湖足氣求羈孤老我在平丘到處登龍爭御李何人拊髀肯依劉千秋容爾推淮站半室自吾隘九州如今寂寞騷壇畔邗水潺潺聽自流

李叔則曰氣格渾健自為地步者能如是耶

同社太虛鳳唐梅公洞門也時有升沉之異故及之



同社時聞五子歌春風聯玉兢鳴珂升朝自足光  
台鼎在野偏能長薜蘿振鷺下飛時鍛翻懷麟躑  
躅自傷軻即看湖上冥冥去按劍何由再伏波

李叔則曰五老同心正在或出或處先生東山之望於焉三矣

悼吳恭順薛夫人 江寧人

阿濤詞翰錦江工江左莫愁人難逢金屋瑤臺誰  
作主侯門綉閣已成空梨花夜雨驚春夢玉露晨  
流逐晚紅寂寞總惟仙闕去更無明月到簾櫳

其二

侯家慘淡鉛華刪獨把流黃仔細板世外難尋魂  
返草帳中猶幸夜來鬟衛公惜別江南望元美交  
歡贈婦殷一語不開難再得空留遺像在人間

李叔則曰前作渾雅

補贈程穆倩 穆倩送子詩集一刻子缺焉續貂因為補之

玄晏先生序左思篁墩之後名誰馳五車曾授雲  
間笈 師眉 七字能開大曆詩白岳有人堪笑傲青  
門無伴獨逶迤如今屈指騷壇客相見如君嘆最

遲



李叔則曰古云劉尹知我勝我自知以可謂知穆情者矣

贈別揚關方員外繡山時在告

傾蓋相逢邗上游要津重寄在揚州  
籌邊已著量沙蹟裕國更看滿地流  
雅度輕裘爭去馬秋風鱸膾動歸舟  
君家奕葉正榮盛萬里之行未可休

李叔則曰酷似唐音

望天中塔合尖

同太虛見始

七級浮屠萬姓看蕭蕭平野樹雲寒危梯踏漢升  
孫子曲檻臨江捧露盤自古空門皆有相從今實

地易為惟可憐佛教東來後締造殷勤好是難

李叔則曰空門無相以云有相才句締造之難有物力民財之感下字甚有針線

不落菊

殘菊離離秋更冬故人戀我情偏濃  
雙屏夾路流芳遠落日依欄晚照封  
不以盛衰改故節却因榮瘁留遺蹤  
眼前何物堪比擬萬古青青止一松

李叔則曰寓意深長

太虛拉予共候浙藩張坦公因出家樂乘月

登臺



宴罷登臺月正白  
隋宮雲樹重重開  
千年帝里繁華後  
六代煙花寂寞回  
上客拊心談往事說英歌  
兕啓口繞梁才清宵  
莫負升高意江漢還傾未盡杯

李叔則曰無應酬套語

### 和叔則韻

同雲漠漠變陰陽  
濁酒初成邀客嘗  
白雪欲吟慚短調  
青門無計且稱觴  
百年有盡驚望七千里  
難歸業半荒  
幸有諸君共歲暮  
陶然醉倒瓊花鄉

### 其二

半冬無雪苦天乾  
積凍封河萬壑寒  
乞煖誰從天上至  
新詩仍是故人看  
中庭月皎鴉棲樹  
客子夜歸人倚闌  
不用踟躕嘆散步  
清音時接響檀欒

李去則曰二作各有意寄共見定力

### 和太虛歐臺韻

慕歐今日登歐臺  
鍾阜金焦次第來  
盛事一時傳太史  
同堂千里嘖竒才  
歌當白雪風雲聚  
人吸青冥日月杯  
金帶圍花久寂寞  
蕭公有金可憐懷抱



平山堂言集卷之四  
為誰開

李叔則曰追琢其章

雪

仙子步虛凌皓臺白雲片片夜光來玉如衛玠爭  
看殺鹽比謝媛漫道才天地有形終混合山川無  
像自徘徊唐詩宋句盡洗脫那得一時映八垓

李叔則曰領聯匪夷所思遂覺全篇皆勝

雪夜得江千里螺鈿杯酌以青州苦露余甚  
快之故咏

金鈿合來翡翠光紫霞秋澈婺州香金華酒為憐齊  
楚遙分里恰有玉冰近照堂年瑞我非塵外隸酒  
清人是沂中觴形神俱美真通泰假寐仍期到上  
皇

李叔則曰即事取景止貴貼寔

釋菴後席時在禪

酒闌人散復留髡雅意殷殷深閉門密雪欲降猶  
禁葢殘棊已罷更黃昏歌臺遠近閑鐘鼓禮教雍  
容見蕙蓀釋菴子同在座今後不須折簡召渭雲詩句好



重論

李叔則曰筆恬似許用晦丁卯諸作

歐臺看雪

歐臺一望六花寒  
天地漫漫朔氣難  
齊主築宮真下士  
梁王為苑亦鳴鑿  
肝腸如此殊不媿  
羽玉猶然好並看  
何必成渠融化後  
宜年宜麥萬人寬

李叔則曰肝腸句點鉄成金全首不泥歐臺更為超勝

飲酒詩酬叔則

清心苦行寤西京  
酒頌何人識隱情  
時險飲醇方

養晦口箝無咎乃為貞  
麟經筆削遵王道  
朝報爛庸豈至誠  
好在林臬傾百斗  
無非無是勝專城

其二

董狐去世千餘年  
執筆守官義凜然  
柱下曾聞周室史  
龍門再著漢家編  
雄雌唯嘿能養朴  
非是頗乖諷後賢  
更有魏收名穢史  
勸君三復道皇篇

李叔則曰二作雄摯豈但甄別古史所以慈愛今人更為切至

邗河積雪

簇簇人爭橋上行  
堆堆耀眼照城明  
高低樓堞粉



添黛遠近邗河銀帶璜沒馬蹕泥深及尺拂人堤  
柳不成縈嗟予未見蕃釐盛祇覺瓊花到處迎

李叔則曰極力錯鍊未結更為天然

### 冬夜漫咏

清宵肅客敞柴門雪裏燈光星斗繁臘氣迎人驚  
節候梅花著凍怕黃昏衰年肺病寒生粟大壑冬  
陰玉作屯更有絳旗雲內颭寒灰撥得慶兒孫

李叔則曰時長公舉賢書揚郡當事為之稱賀  
妙在別有閒情

### 臘八

臘八節傳到楚鄉暮年風物逐人忙纔過短晷爭  
長日恰遇水仙又發香寒到銀河水徹骨煖回帝  
里律吹陽今冬倍與尋常異啜粥還思邛釋王

### 辭四

辭三辭四淮南行花爆一時連夜鳴問俗知為四  
海異驚心却訝殊方情去留但聽世間主遲速恐  
乖天上迎若是遵王大一統還應畫一在同城

### 和叔則

入夜高談倒客尊古今楊扞每晨昏洗洋疑近惠



莊里聯去蒙城句曾題愈籍軒風到旗端燈影亂  
法嚴亭尉醉敲門尋常一第那堪數且飲何妨聽  
乾坤

乙未元旦試筆

獻歲風雲起廣陵羣情鼓舞會親朋人從天地渾  
元氣序到乘除息戰矜海寇初退何必遐追三五盛但  
留近况大猷升試看陌路逢迎者盡是雍容禮教  
烝

次夜雪

紛紛次日玉龍鬪五夜寒吹透曉更有作必先一  
合相封山漫海四時情實無驚老美人報恰有嬉  
童擁檣迎老氏往來都斷絕閉門謝客嘗辛羨

題揚州太守

蕭五雲先生滁州琴堂有序

甲申冬余筦南選時封疆告棘當事者有畫  
江之思江以外即為危疆閣部史實柄其事  
諸鎮踵上薦章紛紛各求所以寄長城者數  
幾近千吏部不能給余為核汰之公以廣文



授滁州守烏依閣部原題也十年來雲水迷  
漫都不復記憶偶有老吏尚能道其事未知  
確否覽公圖中有滁州一段悵狀泚筆遂為  
之咏

琴堂原是昔賢地除目當年我識公衣鉢承來真  
六一水山到處似仙翁危疆却憶重戎寄使相如  
今難再逢十載言歸歸未得絃歌餘韻正春風

正四雨

春雨淙淙到草廬平明潤氣霑襟裾寒花砌玉猶

堆埠靈膏鋪蘿已作渠萬物萌生從此始百川濯  
溉不愁淤却憐數歲亢暘地今後優游可漸舒

人日拜客

人日江干拜貴客隘途車馬步行難梅花市上風  
塵色驟卷塔前灩澦灘早知舉君還自媿何如無  
我笑彈冠古來薦達率多此世上炎涼不耐看

正十三大雪

連夜雪濛堆作山人間天上色同般風吹未有深  
藏屋日暮還如蚤起顏微密不聞軍出令悠揚實



在亘如綸欲酬望歲淮南苦遑記人禽粒食艱

題洞庭獨泛圖 為卓月

齟年獨駕萬里浪滇楚風濤不憚尋肯構肯堂開  
墜業不驚不怖泛湖滂三生為國還為父八葉有  
壬更有林惶地英雄君見否梁州不用再長吟 園  
中有故國園林之句

和叔則

春筵簇簇充間歡大壑秋風起巨瀾玉樹堦前初  
放藥阿鴻眼底欲彈冠飛觥不讓人爭醉倚席矯

看斗尚寒二月杏花明上苑與君飛騎曲江看

和叔則社飲

蟄龍驚起九天春雨露無私萬象新社飲爭看文  
物盛爛班不數牛羊人 演戲有天涯骨肉同飄梗

異姓弟兄足比隣敢以微官凌里黨周家原是重  
親親 叔則有社中不序公卿貴  
天外終知梓里親之句

和叔則觀予家趙松雪所書金字金剛經

寶墨得來君與同王孫真蹟嘆無窮流傳中外常  
遭劫歷落風塵咤愈工佛法無邊文字永金書有



相鬼神通自從玩帖拜釋氏悟得無生是宗風

贈別秘書院學士羅篁菴先生

學士旌旗耀眼明鶯花二月赴燕京龍門元禮人

難入小子孔融媿繼聲瑋兒太座師已展絲綸叅密勿

更看勛業秉鈞衡憐予久滯淮南客極目仙舟不

勝情

夢裏

夢裏看山森列翠醒時不見夢中山現成世界歸

虛幻乍有嵐蜃橫臆間也知晚光不實在何如飯

佛以延顏六浮君夢同予夢應是生前總一班

晏公祠送客不至

晏公祠上風光好遲客不來且遨遊每歲因看河

上柳凭高一望廣陵舟參差雲樹籠寒浦高下崗

巒據上游塵夢未醒俗事在爭如花鳥自忘憂

二月二

俗名為龍槿頭

潛龍蟠泥應時更挨到陽和蟄已驚形遁似同六

月息首昂矜奮九天行升沉原自闕陰隲隱現豈

非合帝誠龍德先天天不悖世人那可着將迎



二月初四日同叔則上人澄霽日者衡嶽登  
北門樓既已聯句歸來復作五首

五州山在隔江聞及到城頭屬過雲久置林泉無  
氣色纔逢觥盞便顏熏仲宣恰似登樓侶荷篋還  
同避地羣一水遶城衆派注古來繁富不曾分

又

寧如槁木兀然坐携客城遊快唱和且把眼前俱  
放却不愁世上自風波高僧日者能文字李白劉  
伶盡薜蘿畫角一聲海寇散寓公取次又高歌

又

柳色纔舒三兩日風光如畫幾多時江湖任有長  
生術髮鬢從無再盛姿盡把浮生飛過鳥好消旅  
悶是新詩可憐直北家山路眼倦青青麥滿陂

又

一首兩首來引我如何如何費清思惠莊同調南  
華著韓孟一心北闕時孤陋從來難進德當仁不  
讓是吾師多聞猶重孔夫子何可一日無君辭

又



一首新詩酒一觴一遊便得四三章思如蠶繭隨  
抽出韻到鐘聲任擊揚羊祜峴山空墮淚謝安別  
墅亦徬徨媿予不逮兩賢業日日江頭逞醉狂

附聯句二首

寒後逢晴閉戶非楷登城一望柳風微應賓煙嵐

遠帶長江水樓閣平連舊帝畿楷兵馬關懷驚去

住舳艫極目接芳菲應賓何當竹院浮生過楷浪

逐高蹤人未歸應賓

又

日暮春光勝舊時楷萬家煙火見晴麗應賓六朝

此地扼要害二月和天任委蛇應賓狼燧初消人

卧鼓鳳簫不斷月臨吹楷晚霞落照城闕迥應賓

那忍匆匆負酒卮楷

和叔則

十年如夢到揚州日日關門不出遊未有賞心堪

樂事何曾一酌自相酬干戈絡繹張聲討里巷蕭

條似過秋若問尋花併覓柳太平無缺是全甌

再贈太虛先生初度



學士勛名在石渠歸來久繫蒼生居愛君曾上九  
齡鏡續史今看司馬餘君子修身還立命仙家握  
籙即冲虛商霖猶待吾夫子再効華封三多書

贈別穉恭

載酒東郊復北上青春報命赴新除倚廬未敢抗  
天子赴墨哀趨駕仍為遵詔書終部限對策大庭曾甲

第論才八斗豈公車艱難際會今重出好賦皇華

兩代餘應授行人

和五雲四章

曲江大社紀事

曲江立社枚乘發太守雅歌振藝林將重斯文虞  
廢業誰憂四海少知音文翁化蜀無他讓六一為  
邦亦自任戎馬忽忽事筆硯古人餘韻到如今

其二

南郡橫經曾絳紗今茲文會亦堪誇為憂赤子時  
禪夜愛看青雲不入衙此日蒸蒸日上駿足他年濟  
濟義王家進賢上賞何人應取次樽前祝帶花

其三

春王正月簡名流籲俊非為事宴遊荆粵攢眉供



甲馬 朝廷蒿目苦征求安危呼吸疆臣任教訓  
成虧主者適棧樸周家已卜世鹿鳴圻聽歌呦呦  
其四

青杏園林煮酒香建安才子盛一堂何勞太傅威  
望借謝安出鎮於此且看小歐姓字章西楚臨戎應激烈  
南粵來儀有鳳凰廣東造過錦鷄太史他年紀採聽可無  
一紙書維揚

重建滕王閣詩為總漕蔡老先生徵作

撫軍司馬重斯文滕閣高臨起暮雲盛事重興應  
有待主人杰立不虛聞江湖秀色真堪挹廬鶴風  
光似乍分誰把蒼生留夕照落霞孤鶩看氤氳  
又

清風一夕送王勃佳句長留天地間刳到江山俱  
去色運來輪奐一回顏宏模饒有三湘勢偉構曾  
無百粵闡鄭重南昌諸父老峴山洒淚是西山  
又

麟閣勛名濟世豪偶來滕閣一蕭搔披荆剪棘開  
黃道橫梨賦詩賸雅騷四海于今烽未息三韓突



起筆如刀逢君骨相真奇異竚看廣陵八月濤

又

開府淮安纔兩日憂民憂國已千秋舳舻不斷沿江  
岼嶂號令時聞竟夜遊王駕來臨差九五將軍至  
止列貔貅揚人不得我公至官吏何由臺殿周

又

檠戟遙臨日已斜千帆萬帆競棲鴉滕王閣下碑  
看記隋柳堤前樹欲花聲氣不孤開國節風雲再  
覩本兵車誰憐江楚飄零久北望神京空自嗟



